

wird dem menschlichen verstandt vnd Inge-
nio (zum erkantnus aller erschaffenen din-
ge) mehr aufgeholfen/als durch die Mathe-
sin, vnd die edle Mathematische künste / die
sich vmb die Quantitet, als die ersten anfän-
ge/so da seindt Arithmetica, Geometria vnd
Isoropica^{13.}, oder Zahl/ Maß vnd Gewicht/
höchlich bemühen vnd annehmen: welche/
nach dem sie auß rechtem fundament ergrif-
fen vnd erfahren / durch alle sachen gehen:
auch durch zusammen tragung / die meng
ihrer fruchten reichlich einsamlē/ vnd wider
in die ganze welt ergiessen vnd außtheilen.

Von dieser wissenschaft vnd Mathesi, hatt
der allmechtige Gott nach seinem allein gü-
ten willen vnd gefallen/ mir auch gleichsam
nur ein füncklein oder pfundtlein / auß ge-
naden mitgetheilt vnd verliehen. Welches
nach Christi vnsers Heylandes befehl/ Math.
am 25. Ich nicht in ein schweißstuch ver-
graben / sondern zu meines Herrn vnd nech-

no. aequilibriū faciens sū aequatio.